

برلین جامع شریفی

(برلین) دن (موزینغ پوست) غزنه سنه یازیلور :

برلینده شارلوتنبورغه برجامع شریفک وضع اساس رسمی اجرا ایدلشد. مراسم دین اسلامی دنیانک هر طرفه نشر و تعمیم غایه سیله تشکیل ایدن «احدی» جمعی مملی مبارک علی نام ذات ریاست ایتشد. حاضرین میاننده توزکر ، مصریلر ، ایرانیلر ، هندیلر ، یوسیه حکومتک و برلین و شارلوتنبورغ بلدیله لیتک ممثلری حاضر بولونمشلردر .

مبارک علی نطقی انکیلرجه ایراد ایتش و منسوب اولدنی جمعیته معارض بعض مصریلر طرفدن بر قاج دفعه ل سوزی کیلنشد. نهایت مصریلردن بر جونی مراسم محلی ترک ایله کیتمشلردر . بولردن بری شویله باغرمشدر : « بو آدم بیچون منفور انکیلر لسانیه نطق ایراد ایدیور . سولدیکی سوزلر هب یالاندر . بو برجامع ذک بر انکیلر باراقه سی اوله جقدر . انکیلر یاره سیله یاییلور . » بوجاده مختلف جمیات اسلامییه منسوب حاضرین آره سنده قیل و قال موجب اولش و بولسک مداخله سیله عربده بی چیقارانلر اخراج ایدلشد . برلینده کی مصرملیت پرور فرقه سی جمعی آلمان غزنه لرینه بروجه آتی برورقه کوندرمشدر .

« احدی جمعی انکیلر مستملکات سیاسی تعقیب ایدن انکیلر و هندیلردن مرکب برغرویدر . انکترده بویکی دینی غرویلر عالم اسلام اوزرینه قوتلی بر نفوذ یوروتمک صرف مساعی ایدیورلر . احدی فرقه سی دهادوغریسی انکیلر حکومتی شمعی آلمانیه کی مسلمانلر انکیلر پروپاگانداسی یایمق مقصدیه بوراده برجامع شریف انشاسنه تشب ایتدی . ملیت پرور و مسلمان صفتیه بونهلکلی حرکتی قارش دیندارلر منری ایقاپ ایتکی وظیفه عد ایدیورلر . »

حرمین شریفینی مدافعه

(قاہرہ) ده منتشر (الاخبار) رفیقمرک ۲ اغستوس تاریخی نسخه سنده اوقوندیغنه کوره (حرمین شریفینی مدافعه) جمعی عقد اجتماع ایدرک خلیفه مسلمین حضرتلرینه ، تورکیا بویوک ملت ریسی غازی مصطفی کمال پاشایه ، استانبول غزنه لرینه آتیده کی تلغرافنامه بی کوندرمک قرار و برمشلردر :

« احراز اولونان مظفریت عسکریه ، وائی تعقیب ایدن صالح ظفری و عالم اسلام شرقک برلکفی و حقک احقاققی تأمین ایدمک حاکم آیت الهیه اولدیفکزی اثبات ایتکده در . جناب حق اکسیکلکزی گوسترمه سین . وسزک همتکیزله ارکان اسلامی ، بالخاصه حرمین شریفین ایله مسجد اقصایی حفظ ایلسین . »

متعاقباً ممالک اسلامییه دن آلتان مکتوبلر اوقونمش ، بونلرک هپسیده مسلمانلرک برلشهرک کعبه مکرمه بی وروضه مطهره بی هر هانکی ، برحمایه اجنبیه تودیع ایدمک مایهتده اولان معاهداتک عقامته دوچار ایدلماسی ایچون هر درلو تشبثانده بولونماسی ترویج ایتدیکی اراضی مبارکه اسلامییه بی آنجق امیرالمؤمنین حضرتلرینک ، یاخود تصویب خلافتناهیله تشکیل ایدمک بین المسلمین بر هیئتک اداره وحمایه ایدمک و بوهیئتک مرجعی مقام خلافتک استنادکاهی اولان حکومت اسلامییه اولدینی خصم و صند مسلمانلر متحد الفکر بولوندینی کلاشلمشدر .

قبریلیده قربان وصلح بایرامی

صوک بوسته ایله آلدیغز قبریس غزنه لر قریبان وصلح بایرامنک لفقوشده ناصیل حرارتله تسعید ایدلدیکنی آکلاتیورلر . تموزک یکریمی دوردی بایرامک ایلاک کونی اولدینی جهته کیجه ساعت اوچدن اعتباراً طوب آتیلمایه باشلامش واهالی آیاصوفیه جاممنده طویلانشلردر . خلق اوکلدن صوکرای سرای اوکی میداناخنده اجرای شادمانی ایتش ، فقیر مکتبلرله یاردم جمعی طرفندن روزه تیر توزیع ایدلشد .

رابطه شرقیه جمعی

(رابطه شرقیه) نامیه مصرده تشکیل ایدن برجمیتک نظامنامه سی اخیراً آلدق . جمعیته هدفی شرق اقوامی آره سنده کی روابطی تحکیم ، شرق مدنیتی ، شرق فضائلی احیا ، شرق روحنه موافق اولان غرب ترقیانی اقتباسدر . جمعیته علمی و اقتصادی وسائل ایله هدفه وارمغه چالیشیر و مقاصدینی تحقق ایتدیره جک نشریاته اهمیت ویرر . جمعیته هر اوج سنه ده عمومی بر شرق قونفره سی عقد ایدر . بو قونفره شرقک هر طرفدن جمعیته انتساب ایدمک ذواتک مرخصلردن تشکیل ایدر .

قونفره نک باشلیجه هدفلری ، اصطلاحات علمیه بی توحید ، اسلام یازیسی توحید ، شرق ممالکنه مسکوکات ، موازین و مقایس کی تجارت و معاملات لازم اولان وسائلی توحیددر . بو جمعیته مؤسسلی مصرلی احمد ذکی پاشا ، مصر محاکمی رؤسائیدن صالح جودت بک ، مصر دارالفنون مدرسلردن دوققور محجوب نابت بک ، مصر مفتی سابق شیخ محمد بحیت ، المنار غزنه سنک صاحبی طرابلس شاملی شیخ رشید رضا ، علمادین محمد الغنیمی الفتازانی ، ایرن تاجرلردن مهدی رفیع مشکلی بک ، تورک محررلردن نورالدین مصطفی بکدر .